




# ՏԵՂԵԿԱԳԻՐ

ԵԽՐՈՊԵՅԻ Հ. Յ. Դ. ԱԽՍ. ՄԻՋԻԹԵԱՆ

1909 ԱՊՐԻԼ 1-Ն 1911 ԱՊՐԻԼ 1-Ը

Ժ Է Ն Ե Ւ  
1911



12  
329

1999

# ՏԵՂԵԿԱԳԻՐ

ԵՒՐՈՊԱՅԻ Հ. Յ. Գ. ԱԽՍ. ՄԻՋԻԹԵԱՆ

1909 ԱՊՐԻԼ 1-ԻՆ 1911 ԱՊՐԻԼ 1-Ը

— — —

Ժ. Ը. Կ.  
1911

ԵԽՐՈՊԱՅԻ Հ. Յ. ԴԱՅ. ՈՒՍԱՆՈՂՆԵՐՈՒ  
Գ. ՀԱՄԱԳՈՒՄԱՐԸ

Եւրոպայի դաշ. ուսանողները ներկայ տարւան ապրիլ  
5—12 օւիցերիոյ մէջ ունեցան Գ. Համագումարը:  
Միութիւնը, հակառակ ընդհանուր ցանկութեան —  
նիւթական անձկութեան պատճառով — անցեալ տարի  
չէ ունեցած համագումարը Խակ Միութեան մը համար,  
ինչպիսին է Ե. Դ. Ուսանողութիւնը, համագումարէն  
զատ չկայ ուրիշ միջոց ուզանական դարձնելու անոր  
կապը, շփման մէջ դնելով զանազան բաղաքներու դաշն.  
ուսանողութիւնը, հետաքրքրութիւն արթցնելով և այդ  
կերպով մզում տալով անոր շարժումներուն:

Այդ պակասը միջոցով մը փոխարինելու համար, ան-  
ցեալ տարի Գործադիր Մարմինը փափաքեր է „Միու-  
թեան գործունէութեան մի ամփոփ պատկեր“ տալ, հա-  
ւաքելով խմբակներու միամեայ գործունէութեան զե-  
կուցումները. բայց մի բանի յապաղումներով այդ ալ  
անկարելի է դարձեր:

Աերոյիշեալ հանգամանքները իրենց հետևանքներով  
վերջին ժամանակներս, գրեթէ բոլոր խումբերուն մէջ,  
առաջացուցած էին անհամբերութիւն՝ որչափ կարելի է  
շուտ համագումար կայացնելու մասին: Մանաւանդ



329-86

1. § 331

Հետզհետէ նոր հարցեր կուգային բարդւիլ Միութեան գործունէութեան առաջ, որոնք անխուսափելի լուծման կը կարօտէին:

Գործադիր Մարմինը ստանձնած լինելով համագումարը կազմակերպելու գործը, յունւարի կէսէն սկսած բոլոր խմբերուն զրկած էր շրջաբերական-նամակներ և Համագումարի նախնական օրակարգը. միայն մի քանի խումբերու ուշ հասցւած էր: Ստացւած բոլոր պատասխանները ի նպաստ համագումար կայանալուն էին. այդ առթիւ հարկ եղած կանխսպատրաստութիւնները աւարտելէ ետք, նշանակւած օրը բոլոր պատգամաւորները Համագումարի վայրը՝ ժընե հասած էին:

Նախ քան Համագումարի զբաղումներու մասին խօսիլը, մի քանի ծանօթութիւններով պարզենք այն տրամադրութիւնը, որ կ'արտայայտի ներկայիս մեր „Միութեան“ կեանքին մէջ:

Եւրոպայի դաշ. ուսանողութիւնը իր ետև ունի արդէն եռամեայ կեանք, որոշ գործունէութիւն: Հիմադիր սերունդը տակաւ կը հեռանայ ուսանողական մժնոլորտէն և նորը կուգայ զայն փոխարինել Կովկասեան ուսանողական հոսանքը դժբախտաբար պակսած է, բայց միւս կողմէն միիմարական է տեսնել նորազատ թիւրքիոյ և Պարսկաստանի երիտասարդութեան հոսանքը, որ կուգայ մի զգալի պակաս լեցնել Եւրոպայի մեր ուսանողական իրականսւթեան մէջ: Այդ ուսանողութիւնը իր ոգեղորութեամբ և բաղաբական գիտակցութեամբ երբէք չի յիշեցներ նախ քան սահմանադրութիւնն ողոյն վայրերէն եկած անտարբեր տարրը:

Միութեան հիմագիր համագումարով ծագրւած նպատակներու չիրագործւած մասերու հետզհետէ իրականացումը բուռն կերպով կ'արտայայտի աւելի քան այսօր, երբ ուսանողական մժնոլորտէն իսպառ հեռա-

ցած է ընդհանուր լքումը, որը հետեանք էր երկրի, մասնաւորաբար թիւրքիոյ քաղաքական գրութեան Այսօր նա, ազատագրման հետեղը իր բազմապիսի կարիքներով դաշ. ուսանողութեան մեծագոյն ուշադրութեան կեդրոնը հանդիսացած է: Իսկ Ռուսաստանի, մասնաւորաբար Կովկասի տիւսւր անցրերը թէպէտ շարունակ կը վրդովեն ուսանողութիւնը, բայց ընդհանուր յաջողութեան շնորհիւ լքում չեն առաջացներ երբէք անոր մէջ:

Եռամեայ գործունէութեան ընթացքին, Միութիւնը իր ստեղծած յարաբերութիւններով ունեցած է ներքին կեանքի վերաբերող պարզաբանելի հարցեր, արտաքին փոխյարաբերութիւններէ առաջացած ինդիրներ, կուսակցութեան հանդէպ կատարելիք որոշ պարտականութիւններ և այլ բազմազան հանգամանքներ, որոնք անոր կուտան որոշ ձեւարում և կայունութիւն:

Այս ստիպողական հանգամանքներէն զատ, ինչպէս վերէ յիշեցինք, Միութիւնը կ'անցընէ փոխանցման մի շրջան Եւրոպայի դաշ. հասունացած սերունդը շուտով կը վերադառնայ հասարակութեան մէջ, իրականացնելու Միութեան և ընդհանուր կուսակցութեան որդեգրած յոյսերը և նորն է որ կուգայ մարդու Միութեան մէջ, ապագայի առաբերութեան համար:

Ահա այսպէս զ. Համագումարով հին և նոր ընկերները կուգան ձեռք ձեռքի տալ ամրապնդելու և միանգամ ընդմիշտ յաւերժացնելու Միութեան կեանքը իր նպատակներով:

\* \*

Համագումարի նախապատրաստական ժողովի բացումը կատարեցաւ ապրիլ 5-ին „Brasserie Plainpalais“-ի արահին մէջ ներկայութեամբ 12 պատգամաւորներու և 14 ընկերներու:

Գործադիր Մարմի անդամ Ա. Ք. ժողովը բացաւ, շեշտելով ներկայ համագումարի կարեորութիւնը ոչ միայն Միութեան սերբին կեանքէն բխող հարցերու, այլ գլխաւորաբար հին և նոր սերունդներու փոխանցման տեսակէտով։ Ժողովը այնուհետև ընտրեց ժամանակաւոր նախագահ մը և անցաւ մաներու վերսուգման։ Պատգամաւոր չեին ուղարկած Արևմտեան Բիւրօն և Լայրցիգի խումբը համագումարը օգտուելով ինքնալրացման (cooptation) իրաւունքն, պատգամաւորական ձայն տւաւ ընկեր Մալ-ին, Ա. Բ.-ին, Ա. Ք.-ին և Բ. Պ.-ին Այնուհետև վաւերացուց նախորդ Համագումարի ներբին զբաղումներու կանոնագիրը մի քանի բարեփոխումներ մացնելով անոր մէջ։

Դիւանի ընտրութիւնը կատարեցաւ գաղտնի քէտարկութեամբ—շշտական Յ նախագահներ ընտրւեցան Ա. Ա., Մ. Ք. և Գ. Շ., իսկ բարտուղարներ—Լ. Ք., Տ. Խ., Թ. Ղ.։

Համագումարի մասնաւոր ցանկութեամբ հրաւիրեցաւ Դաշնակցութեան բազմամեայ և յայտնի գործի՝ ընկեր Վ.։

Բեռնի պատգամաւորի վաւերականութեան մասին յարուցւած թեր և դէմ առարկութիւններուն պատճառով հեռագրով հարցւեցաւ, Բեռնի ընկերներուն կարծիքը և դրական պատասխան ստացւեցաւ։

\* \* \*

Համագումարի պաշտօնական բացումը կատարեցաւ պարի Յ-ի առաւտեան նիստին հետեւեալ՝ քաղաքներու պատգամաւորներով Պարիզ Զ պատգամաւոր, Լիէժ—1, Ժըն—4, Լօգան—2, Բերլին—1, Բեռն—1, Նանսի—1, ինքնալրացմամբ—4 պատգ., որով ընդամենը 16 պատգամաւորական ձայներ և ժընեի ջանք խմբի բոլոր ընկերները, թւով 15 հոգի, ներկայ, էին Համագումարին։

Նախագահ ընկեր Ա. Ա. Համագումարը բացւած յայտարարելով, ամփոփ կերպով բացատրեց դաշ. ուսանողութեան յատկանշական կողմերը, ծանրանալով անոր նախաձեռնութեան ոգիին վրայ, որը միանգամ ևս ապացուցեցաւ ներկայ համագումարով։ յիշեց որ Եւրոպայի համալրաններուն մէջ ցրւած են բազմաթիւ այլատարը հայ ուսանողներ, որոնց մէջ միակը դաշնակցակ. ուսանողութիւնն է, որ կարծես կեանքի կոչւած է մեր իրականութեան հետ ընթանալու, կրելով իր մէջ որոշ կուսակցական ոգի և դաստիարակութիւն։

Ընդհանուր հիացումի և ոգեսրութեան տակ խօսեցաւ այնուհետև ընկ. Ա., որի ներկայութիւնը մի գեղցիկ պատեհութիւն էր—Դաշնակցութեան աննկուն աշխատաւորներէն մին տեսնելու և լսելու համար։ Յարգելի ընկերը յայնեց, թէ այս երկրորդ յաջող զուգագիպութիւնն է, որին կը պատահի ինք. ասով երկրորդ անգամն է որ ներկայ կը լինի Եւրոպայի դաշ. ուսանողների այս ոգեսրիչ համախմբումներուն, որոնք միսիթարական են մանաւանդ եւրոպական անհանդուրժելի միջավայրին մէջ իր օրերը բաշ տւող անհատին համար։ Նա բնորոշեց դաշ. ուսանողութեան գերը հետևեալ բացատրութիւններով—“Նա մեր իրականութեան միջուկը և ապագայի գործունեութեան համար կուսակցութեան և ամբողջ ժողովրդի յեծ ակնկալութիւնն է, ծնած անոր հրամայական կարիքներէն։ Յարգելի ընկերը վերջացուց իր խօսքերը կրկնելով, թէ որբան անցանկալի պէտք է լինի գիտակից մարդուն համար ապրիլ առանց ժողովրդի կարիքներուն ծառայելու։ թէ հին ընկերներու միակ բախտաւորութիւնն է ժողովրդին բալոր ուժերով նսիրւած լինելու գիտակցութիւնը։ Անոնց կը մնայ այժմ անվրդով վստահիլ նորերուն՝ մայր կուսակցութեան բանամեայ դրօշը, որը պէտք է տանիլ միշտ

բարձր, հպարտ յաջողութեամբ և ընկերական համերաշխութեան ճանապարհով<sup>11</sup>:

Վերջին ճառախօսը՝ ընկ. ք. վերյիշեց, որ Ա. Համագումարը զուգագիպեցաւ ուսւական հակահոսանքին նոյն երկրի կացութիւնը այսօր աւելի ծանրացեր է. ազատագրական պայքարը դառնապէս կը տագնապի անողոր ուժիմին առաջ: Մեր ներկայ աշխատութիւններու կարձատե ժամանակը թող մեզ ներշնչէ գաղափարականութեան մեծ ոգին, որը համալսարանական սէմէսդրները մեզ տալէ շատ հեռու են: Երախտագիտութիւն այն նահատակներուն, որոնք ընկան Դաշնակցութեան բան տարւան գործունեութեան ժամանակամիջոցին, այդ կերպ հարթելով մեր առջև խաղաղ աշխատանքի ճանապարհը: Այդ թանկագին յիշատակները թող մեզ սրտապնդեն, ուժգին կերպով փարելու համար Միութեան նպատակներուն:

Ճառերէն ետք, նախագահի առաջարկութեամբ, ժողովը յոտնկայս յարգեց ազատագրական կորիներու ընթացքին Ռուսաստանի, Թիւրքիոյ և Պահապատանի մէջ ընկած նահատակներու յիշատակը. նոյնպէս բուռն կերպով իր զայրոյթը յայտնեց ուսւական արդի բանտարին ուժիմի բիրտ տանջանքներուն դէմ, խոր ցաւ յայտնելով ընդհանուր ուսւական և դաշնակցական կալանառը ընկերներու համար:

Ապա կարգացւեցան զանազան խումբերու, անհատ ընկերներու և կուսակցութիւններու կողմէ հասած շնորհաւորական հեռագիրները և գրութիւնները \*):

\*). Ծնորհաւորական նեռազիրներ Փարիզէն՝ «Գրօսակի» խմբագիր ընկ. Ա. Վ.-Էն, Փարիզի ուսուսացիալ ակադեմիական ասանողակ. ընկ. Ա. Վ.-Էն, Փարիզի ուսուսացիալ ակադեմիական ասանողակ. ընկ. Ա. Վ.-Էն, Փարիզի ուսուսացիալ ակադեմիական ասանողակ. Ամերիկայի ընկեր. Բ.-Էն, Կ. Պոլսի դասնակցական ուսանողներէն, Ամերիկայի ընկերներէն, Եւրոպայի մեր բոլոր խմբերէն, Ռուսիոյ դասնակցական ուսանող. միութենէն:

Այնուհետեւ Համագումարը ձեռնարկեց նախագահական մարմին կողմէ վերակազմւած օրակարգի աշխատութիւններուն, որոնց մասին յստակ պատկեր մը տալու համար, փոխանակ ժամանակագրական կարգ պահելու, յարմար կը սեպենք որոշ բաժանումներ մտցնել:

Միութեն ՆԱԽԿԻՆ ԵՐԿՈՒ ՏԱՐԻԱԼՆ ԳՈՐԾՈՒՆԵՈՒԹԵԱՆ  
ՊԱՏԿԵՐԸ ԸՍ ԳՈՐԾԱԴԻՐ ՄԱՐՄՆԻ ԵՒ ԽՄԲԵՐՈՒ  
ՊԱՏԳԱՄԱԽՈՐԱԿԱՆ ԶԵԿՈՒՑՈՒՄՆԵՐՈՒՆ

1909—10 Միութեան մէջ կը մտնէին հետեւալ խմբերը.

Փարիզ	30	Նանսի	3	Ժընկ	22
Լօզան	11	Բեռն	3	Ցիւրիխ	3
Միւնիէն	7	Հալլէ	3	Բերլին	10
Լայբցիդ	3				

Ցրւած ընկերներ կային Լան 1, Հայդլբերգ 1, Բազէ 1, Բիւրգսէլ 1, Մոնպելիէ 1, որով Միութեան անդամներու թիւը կը հասնէր 110-ի:

Ներկայիս խմբերու կազմութիւնը ենթարկւած է հետեւալ փոփոխութիւններուն:

Փարիզ	18	Նանսի	2	Ժընկ	20
Լօզան	7	Բեռն	3	Ցիւրիխ	2
Միւնիէն	4	Հալլէ	3	Բերլին	10
Լայբցիդ	9	Վիեննա	2	Լիէժ	4

Անհատ ընկերներ կան Մոնպելիէ 1, Հայդլբերգ 1, Բիւրգսէլ 1, Ժամարլու 2, որով Միութեան անդամներու թիւն է ներկայիս 90, նկատի ունենալով, որ վերյիշեալ ցանկերու պատրաստութենէն ետք բաւական մեծ թւով ուսանողներ հասած են Ժընկ և ուրիշ բաղաքներ:

Կան նոյնպէս դաշնակցական ուսանողներ և նգլիա, Իտալիա, որոնց մասին մի անկէ ա ընելու միտքը չէ յաջողած, հակառակ եղած զանբերուն:

Ուսանողութեան կազմակերպական այս վիճակը այնուամենայնիւ լաւ կարելի է համարել աչքի առաջ ունենալով ընդհանուր ուսանողութեան մէջ տիրող լքումը. թէպէտ բաղդատմամբ 1908—909-ի շրջանին, մեր թիւը պահսած է այժմ:

Նոյնպէս միխթարական երեսոյթ է այն յաւելումը, որ կը կատարէի Միութեան մէջ՝ տաճկահայերով: Կան անոնք ֆրանսական մասերը բազմաթիւ էին, իսկ այժմ մեծամասնութիւն կը կազմեն Գերմանիոյ և ԶԼիցերիոյ մէջ:

Լովկասեան ուսանողութեան հոսանքը վերջին տարիները նւազած է ծանօթ անբարեյաշող պատճառներով:

#### ԽՄԲԱԿԱՆ ԳՈՐԾՈՒՆԵԱԹԻԿՆ

Խմբական կեանքի արտայատութիւնը կարելի է բաժանել երեք տեսակի. ա) Տեղական ընթացիկ հարցերու վերաբերեալ, բ) Տեսական հարցերու վերաբերեալ և գ) դրամական:

I Տեղական ընթացիկ հարցերու վերաբերող գործունէութիւնը կցւած է ընդհանուր տեղեկագրին:

II Տեսական հարցերը պէտք է հասկանալ դասախոսութիւններ և թղթակցութիւններ (կուսակցակտն մասուլին):

Լայրցիգի համագումարէն մինչև 1910 ապրիլ տարւան մը նթացքին մէջ մեր ընկերներուն կողմէ խմբերուն մէջ տրւած են հետևեալ դասախոսութիւնները.

1) Հ. Յ. Դաշնակցութեան և Մ. Յ. Կոմիտէի գործակցութիւնը:

2) Թիւրբիոյ փոխանցումի շրջանին ականատեսի մը ապրած տպաւորութիւնները (Փարիզ):

- 3) Կարգապահութիւնը կուսակցութեան մէջ (Փարիզ):
- 4) Հայ լրագրութիւնը:
- 5) Դաշնակցութիւնը և կուլտուրակ. գործը (Փընկ):
- 6) Ազգային հարցը (Փընկ):
- 7) Փարիզի պօստ-հեռագրատան ծառայողներու գործադուլը և նրա նշանակութիւնը (Փընկ):
- 8) Դաշնակցութեան V ընդհանուր ժողովը:
- 9) Ցածկաստանի ընդհանուր կացութիւնը (Փընկ):
- 10) Տնտեսական մատերիալիզմը և դրական դիտութիւնները (Փընկ):
- 11) Փէմինիզմը Թիւրբիոյ մէջ (Լօզան):
- 12) Անշխանութիւն, կրօն և ընկերվարութիւն (Լօզան):
- 13) Կրօնքներու գերը Տաճկաստանի մէջ (Լօզան):
- 14) Ի՞նչ է ընկերվարութիւնը (Լօզան):
- 15) Ռուս Ցեղափոխութիւնը (Լօզան):
- 16) Տնտեսական, պատմական, քաղաքական հայեացք եւրոպական Թիւրբիոյ վրայ:
- 17) Պատմագիտական զանազան ուղղութիւններ (Բերլ.):
- 18) Հասարակական գործունէութիւնը և մեր ուսանողութիւնը (Բերլին):
- 19) Դասակարգային կուր և ազգային հարց (Միւնի.):

Վերոյիշեալ դասախոսութիւններէն զատ կան և ուրիշ դասախոսութիւններ, որոնք մոռցւած են յիշել խմբական զեկուցումներուն մէջ այնպէս որ ատոնցով չի լրանար գասախօսութիւններու թիւը, որը բաւեական նշանակալից է եղած այս շրջանին՝ բաղդատմամբ նախորդ շրջաններուն:

Ատոնցմէ մեծ մասը կարդացւած է ոչ միայն ընկերական նեղ շրջանակի մէջ, այլ և անկուսակցական ուսանողութեան և գաղութային ժողովներուն մէջ: Այսպէս, Փարիզի Նշ 2 և 4 դասախոսութիւնները տրւած են գաղութային ժողովին մէջ, ծընկի մէջ խումբը կազ-

մակերպած է հրապարակային դասախոսութիւն, ուր խօսւած է „Տաճկաստանի ընդհանուր կացութեան” վրայ; Լօզանի ընկերներուն աշխատանքին մեծագոյն մասը տարւած է Club liberal Ottoman-ի մէջ, ուր խօսւած են № 11, 12, 13, 14 դասախոսութիւնները և կազմակերպւած են երկու վիճաբանութիւններ.

1) Երիտասարդ Թիւրքիոյ պատասխանատւութիւնը Ատանայի կոտորածներուն մէջ:

2) Երիտասարդ Թիւրքիան և իր քաղաքականութիւնը:

№ 16, 17, 18, 19 դասախոսութիւնները տեղի ունեցած են Լօզան, Բերլին, Միւնիէն հայ ուսանողական ժողովներուն մէջ:

Խչպէս ըսւեցաւ, դաշ. ուսանողութեան տեսական խնդիրներու վերաբերող կեանքը արտայայտւած է նոյնպէս լրագրութեան միջոցով, թէպէտ ոչ ցանկալի չափով. Բերլինէն մասնակցած են 3 ընկեր՝ „Ազատամարտ”-ին և 2՝ „Հայրենիքին”. Լօզանէն մի ընկեր՝ „Դրօշակ”-ին, ո Հայրենիք”-ին, „Ազատամարտին”-ին և „Ազդակ”-ին, Լայրցիդէն մի ընկեր՝ „Հայրենիք”-ին:

Մի քանի խօսք ալ խումբերու 1910—11 տարւան գործունէութեան մասին, որն սկսւում է ձմեռային սէմէստրէն:

1909—1910-ի կեանքը ամարային սէմէստրի վերջերը շարունակւած է:

Այդ ժամանակամիջոցին ևս խմբերու մեծ մասը ուսւեցած է որոշ գործունէութիւն, իսկ քանի մը խմբակներու մէջ հետաքրքրութիւն զարթնած է համագումարին առթիւ:

Թէ խմբերու և թէ անկուսակցական միութիւններու մէջ տեղի են ունեցած հետեւալ դասախոսութիւնները, որոնցմէ մի քանիսը կարդացւած են ոչ-ուսանող դաշնակցական ընկերներու կողմէ:

1) Դէմոնները ժողովրդական բժշկութեան մէջ (Բերլ.):

2) Կովկասահայերու անտեսական կեանքն (Բերլին):

3) Դաշնակցութեան նւազագոյն պահանջները (Լիեժ):

4) Գերմանիոյ մեծութեան ազդակները (Ժընկ):

5) Պատմագիտութիւնը (Ժընկ):

6) Սպենսերեան վարդապետութիւնը հասարակագիւթեան մէջ (Ժընկ):

7) Գէմինիստական շարժումը ընկերաբանական և կենսաբանական տեսակէտներով (Ժընկ):

8) Հայ գրականութիւնը նախ քան յեղափոխութիւն (Փարիզ):

9) Անի-պատմական և հնէաբանական տեսակէտներով (Փարիզ):

10) Թիւրքահայաստանի հողային հարցը (Փարիզ):

11) Դաշնակցութեան սկզբունքներուն վերլուծումը (Փարիզ):

Իսկ կազմակերպւած են Լայրցիդի խմբին մէջ զբոյցներ հետևեալ նիւթերու շուրջ:

12) Պատմափիլիսոփայութիւն:

13) Պարլամենտարիզմը:

14) Ահաբեկում (տեռօր):

Կուսակցական մամուլին աշխատակցած են Լօզանէն, Բերլինէն, Լիեժէն, Ժընկէն, Փարիզէն:

Լզանի խումբը մտերիմ յարաբերութիւններ մշակած է տեղական Օթթօման կիւրին հետ և ակտիւ մասնակցութիւն ունեցած է միջազգային սօցիալիստական միութեան մէջ:

Ժընկի խումբը նոյնպէս իր տաճկահայ ընկերներուն միջոցով գործակցած է Օթթօման ընկերութեան հետ:

Փարիզի մէջ հանգանակութիւն ձեռնարկւած է ընկեր ուսանողներու կողմէ՝ ի նպաստ կովկասահայրանտրկեալներու: Տեղոյն խումբը բազմամարդ միտինկ

մը կազմակերպած է բողոքելու համար Սազօնօվի մահան առթիւ՝ ուսւ կառավարութեան դէմ, գործակցութեամբ ուսւ սօցիալիստ-յեղափոխական ուսանողներու։ Վերջիններուն հետ պահած է ամենամտերիմ յարաբերութիւն և այդ կերպով հիմնադրած է միջազդային սօցիալիստական ուսանողական Միութիւնը։

#### ԳՈՐԾԱԴԻՒՐ ՄԱՐՄԻՆ

1909-ի Լայրցիդի համագումարէն անմիջապէս յետոյ, գործադիր Աարմինը ձեռնարկելով իր աշխատութիւններուն, ամենէն առաջ կարգի բերած է նախորդի խառն հաշիւները և վճարած է բոլոր հին պարաբերը, որոնք գոյացած էին „Ուսանողի“ տպագրութեան առթիւ։ „Ուսանող“ի մէջ առանձին հրատարակած է նախորդ շրջանի և 11 համագումարի որոշումներուն յասին մի ընդհանուր տեսութիւն։ Շրջաբերականներով և նամակներով շարունակ կապ պահպանած է ուսանողական խմբերու և ցրւած ընկերներու հետ Լայրցիդի համագումարի որոշման համաձայն „Ուսանողի“-ի տպագրութիւնը տեղափոխած է ժընկ։ Թերթի տարածման գործը կանոնաւորելու համար հնարաւոր չափով, զանազան բաղաբներու մէջ նշանակեր է գործակալներ։ Անդամավճարներու գործը կանոնաւորելու համար շարունակական ջանքեր չեն ինարւեր։ արդիւնքը թէպէտ ոչ ցանկալի, բայց բաւական դրական է եղած, բաղդատամոմբ նախորդ շրջանի գանձումներուն։ Խումբերու մէջ եղած գոյբերու ցուցակագրութիւնը ոչ մի խումբ չէ պատրաստած։

Հակառակ Միութեան անձուկ կացութեան՝ ամեն ջանք ի գործ դրւած է Դաշնակցութեան V Ընդհ. ֆողովին պատգամաւոր ունենալու և յաջողւած է այդ բանը։ Շրջիկ դասախոսներու առաքման առաջին փորձը

անյաջողութեան բախելով, այլ ևս այդ մասին հետապնդումներ չեն եղած։

Յարաբերութիւններ պահւած են Ուսանասանի, Ամերիկայի և Թիւրքիոյ ուսանողներու հետ։ Դրկւած է զանազան շրջաններ շրջաբերական, կանոնագիր, բայց աւելի լայն յարաբերութիւններու համար հնարաւորութիւն չէ եղած։

#### ՄԻՈՒԹԵԱՆ ԴՐԱՄԱԿԱՆ ՀԱՆԻՒԾ

1909 ԱՊՐԻԼ 1-ԻՆ ՄԻՒԾԵՒ 1911 ԱՊՐԻԼ 1-ԻՆ

I Խ Մ Բ Ե Ր Ո Ւ

ՄՈՒՏՔ							ԵԼՔ	
Քարտիներու անուններ	Միացրող նախ.	Անդամակիցներ	Կողմանի աղբյուրներ	Տեղակ. ծանրութեան	Տեղակ. ծանրութեան	Անդամակիցներու գործ. մարմ.	Միացրող նախ.	Միացրող նախ.
Ժընկ	9 15	104	17	21 05	50 65	58 45		
Լօզան		94	92 30	33 95	136	16 35		
Բելն		68			68			
Բազէլ		90			90			
Ցիւրիխ		3 50			3 50			
Բերլին		274 85	120 70	80 10	315 45			
Ենա		9 60			9 60			
Հայլէ		7 35			7 35			
Միւնի.		118 90			118 90			
Փարիզ		299 30	68	156 55	160 75			
Նանսի		12			12			
Գումար	9 15	1031	50 298	291 65	972 20	74 80		
			1338 65		1338 65			

## II ԳՈՐԾԱԴԻՐ ՄԱՐՄՆԻ

## Մ Ա Ւ Տ Տ Ք

1. Խմբերից . . . . .	972	ֆր.	20	ա.
2. „Ուսանող“-ի վաճառումից .	369	”	95	”
3. Ներներ . . . . .	2	”	20	”
4. Եւր. և Աւս. Միութիւնից	1166	”	—	
Գումար	2510	ֆր.	35	ա.

## Ե Լ Ք

1. Հին պարտքերի վճարում . . .	345	ֆր.	25	ա.
2. Հ. Յ. Դ. Եան յանձն. 0/0 .	50	”	—	
3. Ընդհ. ժող. պատգմ. Ճ-ծախս	98	”	70	”
4. Ընկ. Ա-ի Ճ-ծախս . . .	10	”	—	
5. Դիւսանական ծախս . . .	176	”	80	”
6. „Ուսանող“-ի տպագրութեան	1095	”	15	”
7. „Ուսանող“-ի առաքման . . .	195	”	45	”
8. Լ-ի խմբին փոխարինաբար .	15	”	—	
9. Այլ և այլ ծախսեր . . .	8	”	80	”
	1995	”	15	”

Մնացորդ գմ. 1-ը ապրիլ 1911 515 ֆր. 20 ա.

Ինչպէս երեսում է այս հաշւատախտակից, ընկերութեան ընդհ. մուտքն է եղած 2876. 80 ֆր., իսկ ելք 2286. 80 ֆ. Մնացորդ գմ. 1. ն ապրիլ 1911 590 ֆր..

## ԽՄԲԱԳԲԱԿՈՆ ՄԱՐՄԻՆ ԵՒ „ՈՒՍԱՆՈՂ“

Խմբագրական մարմինը, ընտրւած Լայրցիդի համագումարէն, կազմւած է 3 անդամներէ և երկու փոխանդամներէ:

Դա պարտաւոր էր Լայրցիդի Համագումարէն մինչեւ յաջորդ յունւար լոյս ընծայել 4 թիւ „Ուսանող“, ըստ որում թերթը պիտի լինէր երկամսեալ պարբերական.

բացի այդ, թերթին պիտի տար որոշ ուղղութիւն և հոգ պիտի տանէր լեզւական մաքրութեան վրայ:

Խմբագրութեան երկու անդամները լինելով Լայրցիդ և թերթի տպագրութեան վայրը՝ Ժընկ, Փարիզի անդամը սկիզբէն ի վեր ենթարկւեցաւ տեսակ մը չեզոքացման և այդ պատճառով տւաւ իր հրաժարականը:

Վերջին ժամանակները գրեթէ խմբագրական մարմին գոյութիւն չունէր: Ընկ. Ա. վերադարձած էր կովկաս. փոխանդամները չեն ունեցած ունէ գործակցութիւն, կը մնար միայն մի գործօն անդամ, որը համագումարին ներկայանալու համար Գործ. Մարմին ուղղած հրաւերին մերժումով է պատասխանած: Այսպէս „Ուսանող“ ամբողջ գործը միաժամանակ ծանրացեր է Գործ. Մարմին վրայ:

Այս շրջանին հրատարակւած է միայն 3 թիւ „Ուսանող“ Ա. 3, 4 թւերը 64-ական և Ա. 5-ը 100 էջերէ բաղկացած: Մինչդեռ ըստ Լայրցիդի որոշման պէտք էր 12 թիւ լոյս տեսնէր: Այս անմիտաբարական դրութեան գլխաւոր պատճառներն են նիւթական նեղ վիճակը, խմբագրական մարմին հրատարակութեան վայրէն հեռու լինելը և նոյն մարմինի զարմանալի անհոգութիւնը:

Այդ երեք թիւերով հրատարակւած են 20 յօդւածներ. 15-ը կը վերաբերին Գ. Երմանիոյ ընկերներուն, իսկ մնացածը զեկցերական ընկերներուն:

Ստորև կը դնենք թերթի սպառման և տպագրման հետևեալ տախտակը.

## «ՈՒՍԱՆՈՂ» ՀԱՇԻԽԸ

№	Նº	Տպագրւած է	Սպառման է	Մեռմ է
3		800	650	150
4		800	613	187
5		500	466	36

„Ուսանող“-ի տպագրութեան և առաքման համար



ծախսւած է 1290. 60 ֆր., իսկ ատոր գիմաց ստացւած է միայն 369. 95 ֆր.։

Զանազան շրջաններու գործակալներուն ուղարկւած են 1336 ֆ. արժողութեամբ „Ուսանող“-ներ, իսկ ց'այսօր կը մնայ գանձելիք 1084. 20 ֆր.։

„Ուսանող“-ը տարածւած է մեր երեք հատւածներում և բոլոր գաղութներում։

Գործադիր Մարմի զեկուցումը և անոր հաշւական ամբողջ գործունէութիւնը բննելու համար համագումարէն նախօրօք ընտրւած էր մի յանձնախումբ, որ հետևեալ կերպով կ'ամփոփէր իր եզրակացութիւնները.

„Ամբողջ գրամական հաշիւները հիմւած են գիւռանական ծախսերու տօմարի, օրատետրի, փաստաթղթերու և կանոնաւոր վեցամսեայ հաշւակիոններու վրայ. Պահած է բաւարար չափով նամակագրութիւն կազմակերպական յարաբերութիւնները շարժման մէջ գնելու համար. աշխատած է, ուր որ հնար է եղած կէտ առ կէտ իրականացնել Լալրցիդի որոշումները։ Որոշ թերութիւն է կատարած կուսակցական գրականութեան բաշխման, նոյնպէս կանոնադրութեան մէկ կէտին մէջ Գործադիր Մարմի մէկ անդամին հրաժարումէն ետք փոխանդամներէն մէկը պաշտօնի չկանչելով. իսկ միւս կողմէն միառժամանակ նա մինակ կրեր է „Ուսանող“-ի ամբողջ հրատարակութեան ծանրութիւնը և որ գլխաւորն է նա իր ստանձնած պայմանաժամէն մի տարի աւելի պաշտօնավարեր է“։

Համագումարը Գործադիր Մարմի վերստուգւած զեկուցման շուրջ կատարած բննադատական վիճաբանութիւններէն ետք ընդունեց հետևեալ բանաձեւը.

„Լսելով Գործադիր Մարմի գործունէութիւնը քննող յանձնախմբի զեկուցումը, համագումարը կը դանէ, որ նա իր ստանձնած պարտականութիւնները

ընդհանրապէս բարեխղօրէն կատարած է և ցաւ կը յայտնէ, որ կանոնադրութեան մէկ կէտին մէջ թերացեր է“.

Իսկ հաշիւներու համար առանձին ընդունեց քննիչ յանձնախմբի հետևեալ բանաձեւը.

„Քննելով Գործադիր Մարմի դրամական հաշւեկիուր, համագումարը գտաւ զայն շատ կանոնաւոր և ճիշտ, յենւած համապատասխան փաստաթղթերու վրայ“:

Ամբողջ համագումարի ընթացքին ընկերներու ընդհանուր զարմանքին առարկայ դարձած էր խմբագրական մարմի բացակայութիւնը։

Այն բէչ շատ „Ուսանող“-ի կարեսրութիւնը ըմբոնող ընկերով մէջ այս բնական հարցը կը ծագէր, թէ ինչպէս բացատրել այն անհօգութիւնը, որ Միութեան ամենակենսական ձեռնարկին „Ուսանող“-ի զեկավարները, արտայայտած են Միութեան հաշւեպահնջ ժողովին առջև։ Ընդհանուր տրամադրութիւնը դարձեալ մեղմ կերպով կ'արտայայտէր դէպի նոյն Մարմինը, նկատի ունենալով ուսանողական կեանբէն բղնող շարք մը պարագաներ։ Այնուամենայնիւ յենւելով տւեալ փաստերու վրայ, համագումարը ընդունեց հետևեալ եզրակացութիւնը.

„Նկատի ունենալով, որ Խմբագրական Մարմինը իր ամենապատասխանատու գործունէութեան համար ոչ պատգամաւոր է ուղարկած և ոչ իսկ իր գործունէութեան զեկուցումը, համագումարը այդ ընթացքը կը համարէ դատապարտելի և վերաբերմունքը՝ անպարտածնաշ դէպի Միութիւնը և այն գործը, որի զեկավարութիւնը յանձն առած էին“.

Միութեան խմբերու երկամեայ՝ կեանքը պատկերացնող զեկուցումներուն հետեւելով կ'եզրակացւին հետեւեալ դրական կողմերը.

„1) Միջկուսակցական համագործակցութիւնը տւած է ցանկալի արդիւնքներ. 2) Ըատ խումբերու մէջ ջանացած են ընդարձակել պրօպագանդը զրոյցներով և բանակիոսութիւններով, թէև ոչ ցանկալի չափով, բայց համեմատած նախկին շրջանին՝ գնահատելի. 3) Դաշ. ուսանողներու կուսակցական աշխարհաշայեացը աստիճանաբար կ'ընդարձակւի և անոնց դորժունէութիւնը կը դառնայ հետզհետէ բովանդակալից“.

և հետեւեալ բացասական կողմերը.

„1) Որ ընկերներու ընդունելութեան պարագային խմբերը չեն զեկավարւիր Հ. Յ. Դրագով. 2) Թէև ոչ բոլորին, բայց բանի մը խումբերու մէջ նկատւած են ներքին անհամաձայնութիւններ, գերադասուած է անձնականը կուսակցականէն. 3) Նկատելի անտարբերութիւն դէպի կուսակցական և ընդհանրապէս դէպի հասարակական երևոյթները. 4) Անպարտաձանացութիւն դէպի անդամավճարները, թէև բաղդատմամբ նախկին շրջանին աւելի նախանձելի. 5) Նշարելի անհոգութիւն դէպի գաւառական կուսակցական մամուլը և անփութութիւն, որոշ տեղեր, միջազգային ուսանողական յարաբերութիւնների մերձեցման համար“:

Ուստի Համագումարը կը հրահանգէ բոլոր խումբերուն և ընկերներուն.

„Ուժ տալ պրօպագանդին, դործօն մասնակցութիւն ունենալ մեր հարեւան ցեղերու ուսանողներուն և գաղափարակից կուսակցութիւններուն հետ“:

Նորընտիր Գործադիր Մարմին՝

„Երջաբերականներով, նամակներով և թուցիկներով սերտ յարաբերութիւն պահել թէ խմբերուն և թէ անհատ ընկերներուն հետ. ուղարկել հնարաւոր չափով պրօպագանդիստներ խմբական քաղաքները և վերջապէս կիրարկել իր տրամադրութեան տակ եղած բոլոր միջոցները բարելաւելու համար խմբական կեանքը“:

ՄԱՍՆԱԼՈՐ ԵԲԵՇՈՅԹԻՆԵՐ ԽՄԲԱԿԱԾ ԿԵԱՆՔԻ ՄԻՋ ԵՒ ՀԱՄԱԳՈՒՄԱՐԻ ԴԻՐՔԸ

Լիէժի պատգամաւորակոն զեկուցումէն և մասնաւոր տեղեկութիւններէն կը հասկցւի, որ այստեղ հայ ուսանողներու բաւական մեծ թիւ կայր Մի վայր, ուր համազգի ուսանողներ այդքան թիւ կը կազմին, մէկդի առնեած բացառութիւնները, հասարակական հետաքրքրութիւնը չի կարող իսպառ բացակայիլ. բաւական է այդպիսի շրջանները կազմել մի կորիզ որի շուրջ հաւաքւելով հետզհետէ մնացած տարբերը, հնարաւոր կը լինի ցանկալի արդիւնքի մը հասնիլ: Ուստի համագումարը այս կետը իր մասնաւոր ուշադրութեան առարկայ դրագներով տւառ հետեւեալ որոշումը.

„Նկատի ունենալով Լիէժի մէջ գտնւող հայ ուսանողներու պատկանելի թիւը, որը մինչեւ այժմ մեր Միութեան համար անտրամադրելի տարր հանդիսանալով հանդերձ, կարեւոր հող կը ներկայացնէ մեր նպատակներու տեսակէտէն, Համագումարը որոշեց նորընտիր Գործադիր Մարմին յատուկ ուշադրութեանը յանձնել լու և նման վայրերը: Այս առթիւ կը յանձնարարէ կոչ ուղղել վերոյիշեալ ուսանողներուն և պարտադրել տեղական ընկերներուն կրկնապատկել իրենց ջանբերը, լայն պրօպագանդով խտացնելու իրենց շարբերը“:

Նոյն բանաձեւը ընդունեցաւ նաև Ն. բաղաքի ու  
սանողութեան համար:

\* \* \*

Մի տիուր երեսոյթ էր Լայրցիդի խումբին Համա-  
գումարին չմասնակցիլը. այս մասին Գործադիր Մարմնի  
բացարութիւնները լսւեցան: Միանգամայն անսպա-  
սելի էր այդ ընթացքը, այն ալ Միութեան խում-  
բերէն մէկին, որ որոշ կենսունակութիւն ցոյց  
տւած է մեր գործունէութեան մէջ և իր աշխատանքի  
բաժինը բերած է ամբողջ շրջանին: Ուստի այս առթիւ  
մի շատարդական վճիռ չարձակելու համար Համագու-  
մարը ժողովին մէջ երկարօրէն քննեց այն երկու գրու-  
թիւնները, որոնցով Լայրցիդի խումբը կը պատճառա-  
բանէր իր ոչ-մասնակցութիւնը: Այդ երկու գրութիւն-  
ները միանգամայն հակասական էին. մի տեղ կանոնա-  
դրութիւնը մեկնակէտ առնւած էր, իսկ միւսով համա-  
գումարի ոչ-անհրաժեշտութիւնը առարկւած:

Ուստի Համագումարը իր դիրքը որոշեց հետեւալ  
բանաձեւով.

„Համագումարը լսելով Լայրցիդի խմբի պատճառ-  
աբանւած հրաժարումը Համագումարին մասնակ-  
ցելէ, գտաւ այդ վարմունքը հակադիսցիպիլին և ոչ-  
ընկերական, նկատի ունենալով, որ խումբերու մե-  
ծամասնութիւնը տւած էր արդէն իր համաձայնու-  
թիւնը համագումար կայանալու մասին և Գործադ,  
Մարմինն ալ յայտներ էր մի անդամ ևս նոյն խմբին“:

\* \* \*

Փարիզի խմբի անդամներէն ումանք կեղծարարու-

թեան տիուր արարքի մը պատճառով տեղական խմբէն  
հեռացւած էին ժամանակաւորապէս: Նկատի ունենալով  
տրւած փաստերը, Համագումարը զանոնք ընդմիշտ ար-  
տաքսւած համարեց Եւրոպայի դաշ-ուսանողական շար-  
քերէն և որոշեց այդ մասին յայտնել Արեմտ. Բիրօֆին՝  
ի գիտութիւն Մարմիններուն և ապա ներկայացնել նոյն  
վճիռը VI Ընդհ. Ժողովին՝ ի հաստատումն:

### ՊՐՈՊԱԳԱՆԴԻ ՀԱՐՑԸ

ԵՒՐՈՊԱՅԻ ԴԱՅԸ ՈՒՍՏԱՆՈՂԱԿԹԵԱՆ ՄԷՋ

Խմբական պրօպագանդին աւելի կենդանի գոյն տա-  
լու համար առաջին համագումարէն սկսած որոշւած է  
շրջիկ դասախոսներու դրութիւնը: Բայց միանդամ նիւ-  
թականի պատճառով, մի ուրիշ անգամ յանձնառու  
ընկերոջ պակասին և յաճախ ալ ուեւ մի խմբի յետ  
մղումով՝ անիրագործելի մնացած է այդ կարեօր խըն-  
դիրը: Մինչդեռ աչքի առաջ ունենալով այն պարագան,  
որ մեր ուսանողական ուժերը յաճախ շատ անհաւասար  
կերպով ցրւած են, ինքնին շատ պարզ կը լինի, որ ան-  
հրաժեշտ է պրօպագանդը թոյլ գրւած վարերը հնար  
եղած չափով ուժեղացնել: Բացի այդ մի որևէ շրջանէ  
մեկնող ընկեր կարող է իր այցելած վայրերուն տեղե-  
կացնել իր շրջանի կազմակերպական և այլ հարցերու  
մասին: իսկ վերադարձին, նման տեղեկութիւններով բազ-  
ւած իր անցած վայրերէն, կը հետաքրքրէ իր ընկեր-  
ները: Այս հանգամանքէն Գործադիր Մարմինն ալ որոշ  
պարզաբանումներ կը ստանայ, որը կ'անդրադառնայ  
ամբողջ գործունէութեան վրայ: Այս հիմքերու վրայ  
Համագումարը վերահաստատեց Ա. Համագումարի հե-  
տեւալ որոշումները.

1) Ընդունելով շրջիկ դասախոսներու կարեօրու-  
թիւնը՝ Համագումարը լիազօրութիւն կուտայ Գ. Մ. ին

Հոգալ այս գործի մասին անհրաժեշտ ծախքերը, եթէ Միութեան դրամական միջոցները կը ներեն:

2) Դասախոսի ծախքը Միութեան միջոցներէն հոգալու համար հարկաւոր է, որ դասախոսը իւրաքանչիւր այցելելիք վայրը կարդայ ո՛չ պակաս բան երկու տարբեր դասախոսութիւն:

3) Դասախոսելու առաջարկը կարող է գալ խըմբակի և թէ իրեն՝ դասախոսի կողմէն, երբ նա կարող է բաւարարութիւն տալ 1-րդ կետի պահանջին:

4) Դասախոսներու ընտրութիւնը կը վերապահէի Գ. Մ.-ին, որը սակայն այդ մասին պիտի համաձայնի Խմբագրական Մարմնին հետ:

Խ. Խ. Խ. Թ. — Խմբ. Մարմին չեղած դէպին, այդ իրաւունքը կը պատկանի ամբողջվին Դորդ. Մարմնին:

5) Վերոյիշեալ նպատակին համար առաջարկւած դասախոսութիւնները գնահատող մարմինը կը զեկավարէի հետեւալ պահանջներով. 1) Որ անոնք դրահան-դիտական լրջութիւն կունենան, 2) Որ չեն հական դաշնակց. ծրագրին և սկզբունքներուն:

Այս որոշումներուն կցւեցաւ հետեւալը.

„Դաշնակցութեան Ընդհ. ժողովին մեր պատգամաւորը պարտադիր կերպով պէտք է անձամբ զեկուցանէ Ընդհ. ժողովի մասին Եւր. դաշ. ուս. բոլոր խմբերուն, եթէ բանաւոր արգելքներ չկան. հակառակ պարագային Գ. Մ.-ը առանձին շրջաբերականներով պիտի հաղորդէ խումբերուն կարևոր որոշումները“:

Յ Ա Ր Ա Բ Ե Ր Ո Ւ Թ Ի Ւ Ն Ն Ե Ր

ՌՈՒՍԱՍՏԱՆԻ, ՏԱԶԿԱՍՏԱՆԻ ԵՒ ԱՄԵՐԻԿԱՅԻ ԴԱՇՆՈՒՄԱՆՈՂՆԵՐՈՒՆ ՀԵՏ

Ժընկի հիմնադիր համագումարի օրով դեռ Ռուսատանի դաշ. ուսանողութեան մէջ ծագեր էր բոլոր ըն-

կերները մի միութեան մէջ կազմակերպելու միտքը: Այդ բանը չիրականացաւ քաղաքական անբարեյաջող պայմաններու պատճառով: Յաջողութեան պարագային Արևելեան և Արևմտեան ուսանողութիւնները կը կազմէին մի մեծ միութիւն դաշնակց. կապերով: Այսօրէն սկսած հնարաւոր ջանքեր չեն խնայւեր, բայց մնացեր են ապարդիւն:

Տաճկաստանի հետ յարաբերութիւնները եղած են խանդավառ: Զանազան բաղաքներու՝ Պէյրութի, Դամասկոսի, Մարզւանի, Պօլսի, Իզմիրի, Տիգրանակերտի, Էրզրումի ուսանողներէ և անհատ ընկերներէ կը հասնին շարունակ գրութիւններ, որոնց մէջ ուսանողական և աշակերտական միութիւններ կազմակերպելու ցանկութիւնը բուռն կերպով կ'արտայայտւի: Տաճկաստանի հաղորդակցութեան անմիջիթար գրութիւնը կ'արգիլէ գործը: Եթէ ո՛չ անկարելի, գոնէ բաւական դժւար է ի մի հաւաքել Վանի, Էրզրումի, Մարզւանի, Պօլսի, Պէյրութի և այլ բազմաթիւ բաղաքներու ուսանողները և միջնակարգ վարժարաններու աշակերտները և իրականացնել մի հիմնադիր համագումար: Ոեզ կը մնայ մի միջոց՝ յանձնարարել Տաճկաստան վերադարձող մեր ընկերներուն յարմար վայրերու մէջ կազմակերպել ուսանողական և աշակերտական միութիւններ:

Դալով Ամերիկայի ուսանողներուն, շատ ապարդիւն փորձեր են եղած զանոնք կազմակերպելու, վերջերս յաջողած է մի անկուսակցական միութեան կազմութիւնը: Պէտք է աշխատիլ, որ այդ միութեան ծոցին մէջ շուտով երևան գայ դաշնակց. հոսանքը:

Համագումարը այս փաստերը աշքի առաջ ունենալով տւաւ հետեւալ որոշումը Թիւրքիոյ ուսանողութեան համար.

„Աչքի առաջ ունենալով պատմական փաստը և

Ժամանակի հրամայական պահանջը, որով Թիւրքիոյ համալսարանական ուսանողութիւնը և միջնակարգ դպրոցներու բարձր դասարաններու հայ աշակերտութիւնը նման իդէալ-ներով և գործունէութեամբ, ինչ որ Եւրոպայի դաշ-ուսանողութեանն է՝ համագումարը ընդառաջ գնալով այդ պահանջներուն կը յանձնարարէ գործադիր Մարմին սերտ կապ պահանել անոնց հետ ֆէդէ-րատիկ կերպով. առաջնորդել խրախուսել և ուղղութիւն տալ նամակներով, մեր օրդանով և պրոպա-դանդիստներով”:

Խսկ Ուսասատանի և Ամերիկայի ուսանողութեան համար.

„Կանգ առնելով | և | | համագումարներու այդ առթիւ տւած որոշումներուն վրայ, կը յանձնարարէ նորընտիր Գործադիր Մարմին սերտ յարաբերութիւններ հաստատել Ուսասատանի և Ամերիկայի դաշնակց. ուսանողներուն հետ և բարոյական պարտք գնել նոյն վալերէն անցնող կամ վերադարձող ընկերներուն վրայ նոյն տեղերէն կազմակերպական տեղեկութիւններ հաւաքելով հաղորդել Գործադիր Մարմին”:

### Յ Ա Ր Ա Բ Ե Ր Ո Ւ Թ Ի Ւ Ն Ն Ե Ր

ԹՈՒՏՍ, ԹՈՒՏԻՔ ԵՒ ՊԱՐՄԻԿ ՈՒՍԱՆՈՂՆԵՐՈՒՆ ՀԵՏ

Առաջին համագումարէն սկսւած դաշ. ուսանողութեան վրայ պարտք դրւած էր կապ պահանել հայ իրականութեան հետ առնչութիւն ունեցող ազգերու ուսանողութիւններուն հետ և մասնաւորաբար աշխատիլ կազմակերպել թուրք և պարսիկ ուսանողութիւններու:

Այս ուղղութեամբ, ինչպէս կերպի խմբական զեկուցումներէն, գործը կանոնաւոր տարւած չէր. յարաբերութիւնները մասնաւորաբար ուսանողութիւններու:

Բերլին, Միւնիեն և Բերն. Ուսասատան յեղափոխական կեանքի մէջ առաջ եկած հակահոսանքը շատ վատ կերպով ազդեր է Եւրոպայի ուսանողութեան վրայ: Քայ-քայւած են նախկին բոլոր խմբերը, մի քանի բացառութեամբ, որոնց հետ հնարաւոր չափով մինչեւ այսօր մեր դաշ. ուսանողութիւնը շատ հարցերու մէջ գործակցական կապ կը պահպանէ:

Լողանի մէջ կազմւած է վերջերս մի միջազգային ընկերավարական ուսանողական միութիւն, որու գերակուղ տարրը կը կազմեն արևելքինները, ուսւ, լեհ, բուլգար, հայ և պարսիկ ելն, (և ոչ մի ուսւ սօցիալիստ յեղափոխական): Դաշնակցականները կօմիտէական կազմին մէջ ունին իրենց ներկայացուցիչը և գործօն մասնակցութիւն ունին նոյն միութեան մէջ:

Գալով պարսիկ ուսանողութեան՝ բաւական մեծ թիւ կը ներկայացնէ ֆրանսիական բաղաքներու, Զւիցերիոյ և մասամբ ալ գերմանիոյ մէջ. բայց ինչպէս կ'երևայ այդ ուսանողութեան մէջ շարժումները շատ դանդաղ կը կատարւին, գրեթէ ոչ մի տեղ խումբեր չկան: Վերջերս ձգտումներ երեցած են Ծընել և Լօգան, որուն նախաձեռնութիւնը հայ ուսանողներունն է: Այնուամենայնիւ նկատելի է, որ այդ մասսայական ուսանողութեան մէջ քաղաքական հետաքրքրութիւնը շատ կը պակսի: Դաշ. ուսանողներուն համար մի մեծ գործ կը լինէր մօտենալ անոր, հանել զայն այդ թմրութենէն:

Թուրք ուսանողութիւնը անհամեմատ աւելի բարձր է կանգնած. իրենց երկրի գրութիւնը որոշ հետաքրքրութիւն կ'արթնցնէ այդ ուսանողներուն մէջ, արդէն սօմանեան միութիւններ կազմակերպւած են Փարիզ, Լօգան և վերջերս ալ Ծընել: Այդ խմբակներու հետ սկիզբէն լաւ յարաբերութիւններ եղեր են դաշ. ուսանողներու կողմէ, անոնք որոշ գործօն դեր են կատարած այդ միութիւններու:

Հիմնական կազմութեան համար. բայց վերջերս Փարիզի յարաբերութիւնները բոլորովին անսախանձելի են, Ժընկ՝ գործը անհոգութեան մատնւած է և միայն Լօգան է, ուր նախկին յարաբերութիւնները բիչ տարբերութեամբ կը շարունակվին:

Համագումարի ամբողջ հետաքրքրութիւնը դրաւեցին այս բազմաթիւ փաստերը: Ոչ որ չի կարող վիճել այդ տարրերուն հետ յարաբերութիւններ պահելու անհրաժեշտութեան դէմ. միայն պէտք էր ճշտել մեր դիրքը ուստական ընկերվարական տարրերուն և թուրք ու պարսիկ գեմակրատ ուսանողներուն հանդէպ. ուստի համագումարը երկար խորհուրդակցութիւններով հարցը լուսաբանելէ ետք տւառ հետեւեալ որոշումները.

„Աերահամատաելով Ա. Համագումարի որոշումը և նկատի ունենալով յատկապէս Տաճկաստանի ներկայ քաղաքական դրութիւնը, համագումարը կը հրաւիրէ զանազան քաղաքներու մէջ գտնւող դաշ ուսանողական խմբերուն ուշադրութիւնը՝ թուրք և պարսիկ ուսանողներու հետ համերաշխութիւն հաստատելու անհրաժեշտութեան վրայ: Նկատի ունենալով նոյնպէս յիշեալ ուսանողութիւններու անպատրաստութիւնը ընկերվարական ոկզրունքներ ընդունելու տեսակէտէն, կ'առաջադրէ մօտենալ անոնց զգուշաւոր միջոցներով՝ զանոնք հետզհետէ նախապատրաստելու համար: Իսկ ուստական ուսանողութեան հետ համերաշխել սօցիալիստական հողի վրայ“:

Այդ համագործակցութիւնը սիստեմաթիք տարածելու և խմբական զբաղումներուն մէջ մտցնելու համար.

„Համագումարը կը հրահանգէ այն ընկերներուն, որոնք գործօն կերպով կը մասնակցին մասնաւորաբար օսմանեան և համապարսկական ընկերութիւններուն, իրենց աշխատութիւնները տանիլ որոշ ծրա-

դրով՝ տեղակ. դաշնակ. խմբի խորհրդակցութեամբ և իրեւ նախաքայլ այս հոմագործակցութեան համագումարը մի մասնաւոր մարմի յանձնարարեց խմբագրել ֆրանս. և թուրք լեզուներով մի կոչ ուղղւած իրանցի և թիւրք ուսանողներուն, որ լոյս տեսած է արդէն:

Նոյնպէս որոշեցաւ հնարաւոր միջոցներով համագործակցութեան հրաւիրել եւրոպայի ամբողջ սօց. ուսանողական միութիւնները:

ԳԱԾՆԱԿՅ. ՈՒՍԱՆՈՂՆ. ՊՐՕՊԱԳԱՆԴԱ

ԵՐԿՐԻ ԵԽ ԳԱՎԱՒԹՅՈՒՆԻՑ ՄԵՋ (Բալդ. Եգիպ. Ամբ.)

Դաշնակցութեան [V Համագումարը պարտք էր դրած և դաշ. ուսանողութեան վրայ գաղութներու պրօպագանդը, համարելով այդ գործը ուսանողական պարտականութիւններէն մին: Ուսանողութիւնը վերջին տեսակէտով իր ցանկութիւնները աւելի լայնցնելով հաւասարապէս կը հետարրբուի երկրի և այլ վայրերու պրօպագանդով: Բայց ճանապարհները և նիւթական անյարմարութիւնները և արձակուրդային ամիսներու անբաւականութիւնը, թողել են այդ բանը միշտ անիրադունքի: Այնուամենայնիւ ատոր անհրաժեշտութեան մասին արթնցած ընդհ. գիտակցութեամբ՝ համագումարը տւառ հետեւեալ սրոշումը.

„Ի նկատի ունենալով, որ պրօպագանդը դաշ. ուսանողութեան ուղղակի պարտականութիւնն է, համագումարը ընկերներու յատուկ ուշադրութիւնը հրաւիրելով այս կէտին վրայ, կը հրահանգէ տրամադրելի ընել զիրենք, այս կարեոր աշխատանքի համար, աւելի քան այսօր, երբ մեր ժողովրդի բովանդակ վերածնութեան անկաշխանդ յառաջադիմութիւնը հրամայական կը դարձնէ այդ բանը“:

Իսկ ինչ կը վերաբերի պրօպագանդիստի ընտրու-

թեան, այդ կը լինի խմբի կամ անհտուի առաջարկութեամբ, Դործ. Մ.-ի համաձայնութեամբ և շահագըրգուած շրջանի ընդունելութեամբ:

**ԴԱՅ. ՈՒՍՏԱՌԱՋՈՒԹԵԱՆ ՄԱՍՆԱԿՑՈՒԹԻՒՆԸ  
ԿՈՒՍՏԱԿՑԱՆ ՄԱՍՈՒԼԻՆ**

Հակառակ վերջին բարերաջող հանգամանքներուն, որով Թուրքիոյ մէջ ազատ մամուլը կը ծաղկի օրը օրին և որուն մէջ բաւական ոգեսրիչ տեղ կը գրաւեն մեր կուսակցական թերթերը, մայրաբաղաքին և գաւառներուն մէջ, Եւրոպայի դաշ. ուսանողութիւնը, հակառակ իր երկու համագումարներով մասնակցութեան կարեռութիւնը շեշտած ըլլալու, իրականութեան մէջ շատ թոյլ վերաբերւած է այդ հարցին: Եղած վիճաբանութիւններէն կը հասկցւէր, թէ անպատեհութիւններ եղած են մասնակցութեան գործը լաւ կազմակերպւած չլինելուն համար: Ումանք այս առթիւ կ'առաջարկէին խմբական դասախոսութիւնները մասնաւոր ուղղումներէ ետք զրկել ուեւ թերթի (կուսակցական): Բացի այդ մասնակցել ոչ միայն կուսակցական մամուլին, այլ և ուժ տալ հետաքրքրական դարձնել գաւառական այն մամուլը, որ թէպէտ դաշնակց. չէ, բայց յամենայն դէպս դէպի ձախ թեքւած է: Ոլիճաբանութիւններէն ետք համագումարը տւալ հետևեալ որոշումը.

„Ընդունելով կուսակցական մամուլին աշխատակցելու առթիւ Ա. կօնդրէի որոշումը, համագումարը կը հրահանգէ բոլոր ընկերներուն, փոխադարձ համաձայնութեան գալով աւելի նպատակայալ: Մարտի աշխատակցութեան գործը. նոյնպէս պարտը կը գնէ խմբերուն և Գործ. Մ.-ին վրայ հոգ տանիլ և հսկիլ թղթակցութիւններու կանոնաւորման, մտցնելով հնարաւոր եղած չափով աշխատանքի բաժանում“:

**ԿԱՆԱՌԱԴՐՈՒԹԵԱՆ ՎԵՐԱՄՇԱԿՈՒՄ**

Զանազան առարկութիւններով այս հարցը երկարօրէն զբաղեցուց համագումարը: Վերամշակման մասին նախնական օրակարգին մէջ ոչինչ չկար և ոչ ալ խրմբերէն այդ մասին ուեւ առաջարկութիւն եկած էր: Այս հիման վրայ կը պատճառաբանէին մշակման գէմ եղող-ները իրենց վերաբերումը: Խոկ նկատի ունենալով, որ համագումարը միաձայնութեամբ հաստատած էր նախագահութեան վերամշակած օրակարգը: ուր աւելցւած էր յիշեալ հարցը, որ զանազան կանոնակ. կէտերու փոփոխումը անհրաժեշտ էր դարձած, իսկ վարելով գետօնքութիւններու կրնար բաղնիլ, և որ գլխաւորն է կատարւելիք փոփոխութիւններէն ոչ մին չէր վերաբերիր Միութեան նպատակին, համագումարը կատարեց որոշ կանոնադրական փոփոխութիւններ, նկատելով զանոնք վերջնական և պարտադիր ամբողջ Միութեան:

Հարկ չենք սեպեր այդ փոփոխութիւնները այստեղ մի առ մի թւել, քանի որ արդէն լոյս տեսած է նոր կանոնագիրը:

**ԴԱՅ. ՈՒՍՏԱՌԱՋՈՒԹԵԱՆ „ՈՐԴԱՆՐ“**

Եւրոպայի դաշնակցական ուսանողութեան ամենաշօշափելի այդ արդիւնքին վրայ կարժէ մի քիչ կանգ առնելի Միութեան կեանքին մէջ անոր կատարած դերը ի վեր հանելու համար այստեղ կ'ամփոփենք այն կարծիքները, որոնք արտայայտւած են վերջին շրջանին Լօզանի դաշխորհական ժողովին և անկէ առաջ և յետոյ զանազան խումբերու մէջ:

„Ուսանող“-ը իր բոլոր պակասաւոր կողմերով

Հանդերձ շնորհաւորելի է, նա Միութեան անդամաւուն ամենազօրեղ կապն է. ամեն մի նոր թւի հետ նա երեան կը բերէ մէկ երկու նոր գրող. նա այդ կերպով հնարաւորութիւն կուտայ Եւր. դաշ. ուսանողութեան ծրագրած մեծագոյն նպատակներէն մէկին իրագործման, ասպարեղ քաշելով գրական ընդունակութիւններ և այդ կերպով մարզելով անոնց գրիչը Բացի այդ նա կոչւած է լրացնել մի անյետաձգելի պահանջ, որ գոյութիւն ունի հայ իրականութեան մէջ տեսական ինդիբներով զբաղող հանդէսի մը չգոյութեան պատճառով։ Ճիշտ է որ նա յաճախ շեղած է Միութեան ընդգծած ուղղութենէն, շատ անկանոն է հրատարակւած, սակայն ատոնք թերութիւններ են, որոնք ամեն մի նոր սկսող գործի հետ միշտ կապւած են».

Այսբանը Միութեան հանդէպ Մեր հասարակութիւնը և մամուլը խանդապառութեամբ ողջունեցին „Ուսանող”-ի երեսում։ Շարունակութիւնը ընդհանուրի բաղձանքն է, մի բան, որ կ'ապացուցանէ, անոր եզակի դիրքը։ Թերթը շատ մեծ ընդունելութեան կ'արժանանայ ամերիկեան գաղութերուն մէջ, Ամերիան թիւրքիա և հայկական գաւառներէն մէկ բանիի մէջ։ այս բանը մեղ կը յուսադրէ, որ նոյն վայրերու գրասէր երիտասարդութիւնը պիտի նպաստէ որոշ չափով անոր տարածմանը և նոյնիսկ բովանդակութեանը։

Եւրոպայի դաշ. ուսանողութեան „օրգան”-ը չի կարելի փոխարինել պրօշիւրներու հրատարակութիւնով։ նա մի ասպարեզ է, ուր պէտք է շօշափել հիմնական կերպով կուսակցակոն բոլոր հարցերը՝ մշակելով զանոնք քննադատօրէն։ և ոչ ալ, ինչպէս ընկերներէն ոյմանք կ'առաջարկէին։ հրաժարիլ առանձին „օրգան”-ի հրատարակութենէն և Միութեան միջոցներով ուժեղացնել

երկրի մէջ հրատարակուղ մի հանդէսի հասարակագիւտական և յեղափոխական ուսումնասիրութեան բաժինը։ Ուսանողական մի „օրգան” պահելը Եւրոպայի դաշ. ուսանողութեան մէջ արթնցուցեր է նախաձեռնութեան մի ոգի, որը ծափահարելու ոչ ոք գէմ չի լինիր։

Ուրեմն „ուսանող”-ի հրատարակութեան գէմ գնալ պիտի նշանակէ Եւրոպայի դաշ. ուսանողութեան գոյութեան իրաւունքը հակասել Այս էր համագումարի գերակշռող կարծիքը։ Կը մնար միայն վերցնել մի քանի գործնական անյարմարութիւններ և մի բանի բարեփոխումներ մտցնել բովանդակութեան մէջ։ Բացի այդ երկու տարւան անկանոն երեսումը, մի տեսակ անվտանգութիւն առաջ բերած էր. ուստի համագումարը ժամանակի մասին, որոշ խորհրդակցութիւն ունեցաւ ընկերներէն ոմանք պատրաստած էին մի նախահաշիւ, որ կը խոստանար Յամսեայ հրատարակել բայց աւելի հաստատուն մի հիմք ունենալու համար ժողովը չհամաձայնեցաւ այդ նախահաշիւն։

Հարցը երկարօրէն լուսաբանւելէ ետք, համագումարը տւալ հետեւեալ որոշումները „Ուսանող”-ի հրատարակութեան համար։

„Ուսանող”-ը պիտի շարունակէ հրատարակւիլ իրեւ Եւրոպայի դաշ. ուսանողութեան պաշտօնական օրգան. 2) Վեցամսեալ \*), բաղկացած 300 էջերէ։ 3) Եւրաքանչիւր վեցամսեալի պիտի կցւի մի յաւելւած ուսանողական խմբերու կեանքը պարզաբանելու և զանոնք յարաբերութեան մէջ դնելու համար. 4) Բովանդակութեան մէջ կը մտնեն ոչ միայն գիտական, այլ և գրական ուսումնասիրական տեսութիւն-

\*.) Հնարաւոր եղան ժամանակ այ վեցամսեալն եւք նախարակի լիբել Յամսեայ։

ներ, ընկերաբանական տեսակէտներով, մամուլի բաժին և մի բաժին ևս գաւառական մտաւորականութեան երկրի ուսումնասիրութեան մեթօդներ մատնանշելու համար. նոյնպէս տեղ տալ թարգմանական գիտական յաջող յօդւածներու. 5) Խիստ ուշադիր լինել լեզւական մաքուր արտայայտութեան և իսպառ խուսափիլ օտարաբանութիւններէ“:

Համագումարը այս առթիւ որոշեց նոյնպէս գիմել բոլոր դաշ. ուսանողներուն „Ուսանող“-ի աշխատակցութեան հրաւիրելու համար, նոյնպէս բանալ բաժանորդագրութիւն:

Թերթի պատասխանատւութեան մասին վերահաստատեց Ա. Համագումարի որոշումը.

„Օրգանը կուսակցութեան պաշտօնական հրատարակութիւններէն չէ և անոր պատասխանատւութիւնը չի ընկնիր ոչ կուսակցութեան և ոչ ալ անոր պաշտօնական մարմինին վրայ“:

Հետեւալ յաւելածով.

„Խմբագրական մարմինը պատասխանատու է համագումարի առաջ“:

ԺԱՆՈԹ. — Թերթի նրատարակութեամ վայրը բողնիլ Գործ Մարմինի որոշման:

### Զ Ա Ն Ա Զ Ա Ն Հ Բ Ա Հ Ա Ն Գ Կ Ե Ր

Համագումարի պաշտօնական օրակարգն սպառւելէ ետք մի առանձին ժողովով քննւեցան գիւտանական հարցեր, զանազան խմբերէ և մասնաւոր ընկերներէ եկած առաջարկներ, որոնց մասին տրւեցան հետեւալ որոշումները.

1) Վերամշակւած կանոնագիրը անմիջապէս տպագրել տալով, ցրւել բոլոր խմբերուն:

2) Գործադիր Մարմին և խմբերու զեկուցումները

և համագումարի աշխատանքները մշակելով բրոշիւրի ձեռվ հրատարակել:

3) Իրարու մօտ բաղաբներու շրջանային հաւաքումներ կազմակերպել, մանաւանդ այն տարին, երբ համագումար չէ կայացած:

4) Միութեան ֆօնտ կազմելու հարցը այս շրջանէն սկսած ենթարկել խմբերու քննութեան:

5) Գործ. Մարմինը համաձայն „Միութեան“ կանոնագրին, պէտք է իր եկամուտի  $1^{(0)} / 0$  մտցնէ դաշնակցութեան գանձարանը:

6) Անդամներու միջև ծագած անհամաձայնութիւնները լուծել միջնորդ դատարանի միջոցաւ՝ աջակցութեամբ խմբերու և Գործ. Մարմին:

7) Առաջիկայ դաշ. Ընդհ. Փողովին պատգամաւոր ընտրելու համար, որովհետև ուս. համագումար հնարաւոր չէ, կ'առաջարկւի խմբերուն „փլէպիցիտի“ ձեռվ ընտրել պատգամաւորը: Գործ. Մարմինը շրջաբերականներով կը հաղորդէ իր թեկնածուները և իրը բերը կատարելով իրենց յաւելումը կ'ընտրեն Միութեան պատգամաւորը“:

Լ-ի ընկերոջ առաջարկով հարց եղաւ, որ համագումարը պարտք դնէ բոլոր խմբերու և անհատ ընկերներու վրայ յարմար վայրերու մէջ միջազգային բողոքներ կազմակերպել ուսւ բոնակալութեան դէմ, կովկասեան քաղաքական բանտարկեալներու օգտին: Ոմանք կը նկատէին, որ այդպիսի պարագաներուն չպէտք է սահմանափակւիլ կովկասեան բանտարկեալներով, այլ յարմար է միանալ ուսւական կուսակցութիւններու հետ, ժողովը ի վերջոյ հասաւ հետեւալ որոշման.

Լաելով ընկերներու ցանկութիւնը, ի մասին ուսւական բոնակալ ուէժիմին գէմ բողոքելու, կը յանձնարկէ խումբերուն միանալ տեղական կամ օտար

կուսակցութիւններու հետ, բողոքի միտինկներ կազմակերպելով արծարծելու եւրոպական հասարակական կարծիքը թարական վայրագութիւններու հանդեպ, միանդամայն ծանօթանացնելով կովկասեան հարցը և քաղաքական բանտարկեալներու դրութիւնը Եւրոպայի ազատական տարրերուն։

10) Համագումարի կողմէն շնորհակալութիւն յայտնել „Դրօշակ“-ի խմբագրութեան, որ թոյլատրած էր „Աւսանող“-ի 3 և 4 թւերը խմբագրատան մէջ շարել։

11) . . . . .

### ԸՆՏՐՈՒԹԻՒՆ ՄԱՐՄՆԻ

Նկատի ունենալով անցեալ փորձը, որ Միութեան վարչական գործավարութիւնը անխուսափելի կերպով կը միանայ „Աւսանող“-ի հրատարակութեան աշխատութիւններուն հետ, և յաճախ անկարելի է եղած երկու մարմիններու պատասխանատութիւնները ճշտել ընդհանուր տրամադրութիւնը թերւեցաւ ընտրել 5 հոգիէ բաղկացած մի մարմին և տալ անոր գործադիմբագրական մարմիններու հաւաքական պատասխանատութիւնը։

Գաղտնի բւէարկութեամբ ընտրւեցան ընկ. Ս. Ա., Տ. Խ., Ա. Հ., Վ. Տ. և Մ. Թ. գործադիմ-խմբագրական մարմին անդամներ, իսկ ընկ. Տ. Ա. և Ա. Պ. փոխանդամներ։

\*\*

Այստեղ կը վերջանայ համագումարի աշխատանքներու այն կարեւոր մասը, որ կը պարունակէր Միութեան կազմակերպական գործունէութեան հիմնական կէտերը և զուտ կուսակցական կեանքը։

Բացի այդ, մի բանի ժողովներով ուսումնասիրւեցան օրակարգի հետեւեալ հարցերը, որոնք այժմէական արժէք ունին ամբողջ կուսակցութեան համար և ընդհանուր հետաքրքրութիւն կը դրաւեն։

1) Քաղաքական կացութիւն երեք երկիրներու — Տաճկաստան, Ռուսաստան և Պարսկաստան — և Դաշնակցութեան միջուսակցական համագործակցութիւնը այդ երկիրներում։

2) Հայկական երեք հատւածներու կուլտուրական կեանքն ու ներքին խնդիրները և Հ. Յ. Դաշնակցութեան գիրքը։

3) Դասակարգային պայքար։

4) Արհեստակցական միութիւններու և համագործակցական ընկերութիւններու փոխարաբերութիւնները և Դաշնակցութեան գիրքը։

Այս նիւթերու մասին մրւեցան ընկերներու կողմէ 6 բէֆէրատներ։

Ժողովի աշխատութիւնները վերջացան ապրիլի 12-ի երեկոյին, ընդհանուր ոգեսորութեան տակ, Բացի պատգամաւորներէն ամբողջ տեղութեան կը մասնակցէր ո.ջանք“-ը իր բոլոր անդամներով։ Բոլոր ժողովները տարւած էին բազմանդամ և շատ ճշտապահ կերպով։ Փակման ճառերէն կ'եզրակացէր այն փաստը, որ համագումարի իրականանալը շատ բարերար տպաւորութիւն թողած էր բոլոր ընկերներուն վրայ։ Աշխատանքները թարմացուցած, որոշ կենդանութիւն տւած էին ամբողջին։ Միութեան կեանքին և նպատակադրած ծրագրերուն իրագործման մասին աւելի յստակատես դարձեր էին. զանազան քաղաքներէ եկած անծանօթ ընկերներու տասնօրեայ համագործակցութիւնը և իրերաձանացութիւնը կարեւոր մերձեցումը առաջ բերած էր։

սիրւած Գործին շուրջ աւելի մտերմաբար համախմբւելու համար: Հին ընկերներէն անոնք, որոնք մասնակցած էին նաև հիմնադիր համագումարին, մի առանձին գուրգուրանքով հրաժեշտ կ'առնէին վերջին պահուն: Անոնք իրենց ուժերով ջանացած էին պահպանել Միութիւնը և փոխադարձաբար սնւած էին անկէ. շնորհիւ անորմտեր էին ընկերական յարաբերութիւններու, հետաքրքրւեր էին կուսակցական հարցերով, որոշ գիտակցութիւն ձեռք բերած էին, երկրէն փոխադրած դաւանանքները ամրապնդւեր էին: Իւ երբ շուտով կը վերադառնան հաստրակութեան մէջ, պիտի չզգան զիրենք կտրւած միառժամանակ կուսակցական կետներէն, որովհետեւ այստեղ չէ պակսած իրենց ոգեորութիւնը, ձըգտումը դէպի դաշնակցութեան նպատակները: Որովհետեւ նկատւած փաստ է, որ ամենէն եռանդուն, կենսունակ անհատն անդամ, երբ կ'ընկնի իր ձգտումներուն անհամապատասխան միջավայրի մը մէջ, անոր մէջ միառժամանակ կը նւազի կորովը և երբեմն իսպառ կը չքանայ:

Այս Միութիւնը այն հողը, այն միջավայրն է, ուր դաշնակցական ուսանողութիւնը ստեղծած է ինքզինքը Դաշնակցութեան ընդհանուր իրականութեան կապելու համար: Այստեղ փոքրիկ զոհաբերութիւններով, անհատը ընդունակութիւն ձեռք կը բերէ աւելի մէծ զոհողութիւններու: ոչ թէ կը խրւի միմիայն ուսանողական ակադեմիկ զբաղումներու մէջ, կը զարգացնէ իր մէջ տարամերժ ոգին և կը հասնի եսամոլութեան:

Զոհողութիւն և նախաձեռնութիւն, մեր զուտ ուսանողական զբաղումներուն կողքին, դէպի գործը ահա եւր. մեր դաշ. ուսանողներուս համեստ ձգտումը: Մեր բոլոր որոշումները, ծրագիրները, նպատակները կը բիին այդ երկու գիտակցութիւններէն: Ինքը, համագումարը մի զոհողութիւն էր: Ընկերներէն մէծ մասը և դաշ-

ուսանողութիւնը առհասարակ շատ ալ նախանձելի նիւթական չունի. ուսանելու ժամանակամիջոցը զգալի կերպով սահմանափակւած է. բայց այդ ուսանողները սորւած են արդէն այլես չզատել ուսանողական զբաղումնեն կուսակցական գործը:

Այս մի փաստ է, որ մեզ կը յուսադրէ առաջիկայ համագումարին տեսնել իրագործւած մեր ցանկութիւններուն մեծ մասը:

ԳՈՐԾԱԴԻՐ ՄԱՐՄԻՆ

7 մայիս 1911  
ԺԷՆԵՎ





